



淨土系列 隨身書 44

淨土宗宗旨法語

慧淨法師 輯



善導大師
彌陀化身
創淨土宗
楷定古今
本願稱名
凡夫入報
平生業成
現生不退



善導大師畫像

目錄

前言	5
淨土宗宗旨法語（增減由人）	6
壹、信受彌陀救度	7
一、舉三經顯示彌陀慈悲救度	7
二、舉他經顯示諸佛慈悲救度	10
三、諸佛不救者，彌陀能救度	12
四、信受之法語	14
貳、專稱彌陀佛名（本願稱名）	23
參、願生彌陀淨土（凡夫入報，業成不退）	53
肆、廣度十方衆生	79

前言

淨土教藏，浩若煙海，古今著述，不可計數；擷其不變之精神，列為四句：

信受彌陀救度，專稱彌陀佛名，

願生彌陀淨土，廣度十方眾生。

此即「淨土宗宗旨」。前二句明因行、方法，後二句示目的、果益，一宗之大要備矣。

得魚忘筌之人，但取數語；徵言採信之徒，要須廣文。故今敬集相關經論釋之文，並古德佳句，成為一冊名《淨土宗宗旨法語》，按上四句分為四章，法度森嚴，條目分明，能令學人開卷有益，觸目皆真，咸生無上信，同發大悲心，自信教人信，真成報佛恩。

此《淨土宗宗旨法語》與《淨土宗特色》法語為互具互含、相輔相成之姐妹篇，取文大同，編排有異，正可互相對照。

淨土宗宗旨法語（增減由人）

淨土宗宗旨，概括為四句偈：


信受彌陀救度，

專稱彌陀佛名，

願生彌陀淨土，

廣度十方眾生。

前兩句為方法，分為安心與起行；後兩句為目的，即是自利與利他。



信願行、信行願，意皆同，然從彌陀救度言：

救度之方法即是念佛，如善導大師言「念佛三昧為宗」，故接著提出行——宗・方法。

救度之目標即是往生，如善導大師言「願生淨土為體」，故接著提出願——體・目標。

願排在第三，與第四目的呼應故。

壹、信受彌陀救度

——淨土宗是彌陀慈悲救度的法門

* 善導大師言：

1.諸佛大悲於苦者，心偏愍念，常沒眾生，是以勸歸淨土。

亦如溺水之人，急須偏救；岸上之者，何用濟為？（《觀經疏》）

2.汝一心正念直來，我能護汝；

眾不畏墮於水火之難。（《觀經疏》）

3.以佛願力：五逆十惡，罪滅得生；

謗法闡提，迴心皆往。（《法事讚》）

一、舉三經顯示彌陀慈悲救度

* 《大經》言：

1.如來以無盡大悲，矜哀三界，所以出興於世，

光闡道教，欲拯濟群萌，惠以真實之利。

2.心或不堪常行施，廣濟貧窮免諸苦，

利益世間使安樂，不成救世之法王。

能救一切諸世間，生老病死眾苦惱。（《如來會》）

3.為彼群生大導師，度脫老死令安穩。

輪迴諸趣眾生類，速生我剎受快樂。

常運慈心拔有情，度盡阿鼻苦眾生。（《莊嚴經》）

4.三惡道中，地獄餓鬼畜生，皆生我剎，受我法化，不久悉成佛。

（《莊嚴經》）

5.第一願：設我得佛，國有地獄、餓鬼、畜生者，不取正覺。

6.吾誓得佛，普行此願，一切恐懼，為作大安。

7.令我於世速成正覺，拔諸生死勤苦之本。

8.拔人勤苦生死根本，悉令如佛。（《平等覺經》）

9.令我作佛，國土第一，其眾奇妙，道場超絕，

國如泥洹，而無等雙。

我當愍哀，度脫一切，十方來生，心悅清淨，

已至我國，快樂安穩。

10.我於無量劫，不為大施主，普濟諸貧苦，誓不成等覺。

◎見六道眾生，貧窮無智慧。（《法華經》）

11.為諸庶類作不請之友；荷負群生為之重擔。

以不請之法施諸黎庶。

如純孝之子愛敬父母，於諸眾生視若自己。

12.為眾開法藏，廣施功德寶。

專求清白之法，以惠利群生。

令諸眾生，功德成就。

13.當來之世，經道滅盡，我以慈悲哀愍，特留此經，止住百歲。其有眾生，值斯經者，隨意所願，皆可得度。

*《觀經》言：

1.佛心者，大慈悲是，以無緣慈，攝諸眾生。

2.為未來世一切眾生，為煩惱賊之所害者。（顯示「惡苦眾生」是「往生正機」）

3.佛告韋提希：汝是凡夫，心想羸劣。（顯示「凡夫為本」）

4.世尊，如我今者，以佛力故，見彼國土（顯示「佛力救度」）。若佛滅後，諸眾生等濁惡不善，五苦所逼，云何當見阿彌陀佛極樂世界？（顯示「惡苦眾生」是「往生正機」）

5.九品善惡凡夫，十惡、破戒、五逆，臨終地獄相現之眾生。

* 《小經》言：

於五濁惡世，為諸眾生，說是一切世間難信之法。

（顯示「惡苦眾生」是「往生正機」）

二、舉他經顯示諸佛慈悲救度

1.大慈，與一切眾生樂；大悲，拔一切眾生苦。（《智論》）

2.我為救度一切眾生，發菩提心。

我願保護一切眾生，終不棄捨。

我當於彼諸惡道中，代諸眾生受種種苦，令其解脫。

我當普為一切眾生備受眾苦，令其得出無量生死。

我寧獨受如是眾苦，不令眾生墮於地獄。

以身為質，救贖一切惡道眾生，令得解脫。

彼諸眾生，不能自救，何能救他；唯我一人，志獨無侶。

隨宜救護一切眾生，令出生死。

度脫眾生，常無休息，無有疲厭。（《華嚴經》）

3.但願眾生得離苦，不為自己求安樂。（《華嚴經》）

4.三界無安猶如火宅，眾苦充滿甚可怖畏。

今此三界皆是我有，其中眾生悉是吾子。

而今此處多諸患難，唯我一人能為救護。（《法華經》）

5.唯佛獨是眾生父，於煩惱火而救拔。（《大集經》）

6.十方如來，憐念眾生，如母憶子。（《楞嚴經》）

7.我哀愍汝等諸天人民，甚於父母念子。（《大經》）

8.如來等視一切眾生，猶如一子。

譬如一人而有七子，是七子中一子遇病，

父母之心非不平等，然於病子心則偏多。

如來亦爾，於諸眾生非不平等，然於罪者心則偏重，

於放逸者，佛則慈念。（《涅槃經》）

9.譬如長者唯有一子，其子得病父母亦病，若子病癒父母亦癒。

菩薩如是，於諸眾生，愛之若子。

眾生病則菩薩病，眾生病癒菩薩亦癒。

眾生苦惱我苦惱，眾生安樂我安樂。（《維摩經》）

10.佛光所照，常照如此，無間無救，諸苦眾生。

佛心所緣，常緣此等，極惡眾生。

諸佛心者，是大慈悲，慈悲所緣，緣苦眾生。

若見眾生，受苦惱時，如箭入心，欲拔其苦。（《觀佛三昧經》）

11.菩薩於惡人所起慈悲心，深於善人。（《菩薩地持經》）

12.積大誓願，慈悲眾生，求頭與頭，求眼與眼，一切所求，盡能周給。

（《雜譬喻經》）

三、諸佛不救者，彌陀能救度

1.是一千四佛所放捨者，所謂眾生厚重煩惱。

專行惡業，如是眾生，諸佛世界，所不容受。

如是眾生，斷諸善根，離善知識，常懷瞋恚，皆悉充滿娑婆世界；悉是他方諸佛世界之所擯棄，以重業故。（《悲華經》）

2.諸佛所證，平等是一；若以願行來收，非無因緣。

然彌陀世尊，本發深重誓願，以光明名號攝化十方，但使信心求念；
上盡一形，下至十聲、一聲等，以佛願力，易得往生。

是故釋迦，及以諸佛，勸向西方，為別異耳。（《往生禮讚》）

3.娑婆化主，因其請故，即廣開淨土之要門；

安樂能人，顯彰別意之弘願。

其「要門」者，即此《觀經》定散二門是也。

定即息慮以凝心，散即廢惡以修善。

迴斯二行，求願往生也。

言「弘願」者，如《大經》說：「一切善惡凡夫得生者，莫不皆乘阿彌陀佛大願業力為增上緣也。」（《觀經疏》）

4.四弘誓願「眾生無邊誓願度」，

別意弘願「彌陀悲願度眾生」。

5.三惡火坑，臨臨欲入。若不舉足以救迷，業繫之牢，何由得免？為斯義故，立撮即行，不及端坐以赴機也。（《觀經疏》）

6.四十八願殷勤喚，乘佛願力往西方。（《法事讚》）

7.四十八願度眾生，逆惡歸心也來迎；

非是混濫無簡擇，憐彼是佛尚未成。（印光偈語）

四、信受之法語

* 《大經》言：

1. 《無量壽經》「第十八願文」（《淨土宗聖教集》六六頁）：

設我得佛，十方眾生，至心信樂，欲生我國，乃至十念，
若不生者，不取正覺。

2. 《無量壽經》「第十八願成就文」（九一頁）：

諸有眾生聞其名號，信心歡喜乃至一念，
至心迴向願生彼國，即得往生住不退轉。

3. 《無量壽經》「流通分」之文（一三三頁）：

其有得聞彼佛名號，歡喜踴躍乃至一念，
當知此人為得大利，則是具足無上功德。

4. 《無量壽經》「彌勒不敢有疑」之文（一一二頁）：

彌勒白佛言：「受佛重誨，專精修學，如教奉行，不敢有疑。」

5. 《無量壽經》「信疑得失」之文（一二八、一三〇頁）：

若有眾生，以疑惑心修諸功德，願生彼國，不了佛智、不思議智、不可稱智、大乘廣智、無等無倫最上勝智，於此諸智疑惑不信；然猶信罪福，修習善本，願生其國。

此諸眾生，生彼宮殿，壽五百歲；常不見佛，不聞經法，不見菩薩、聲聞聖眾。是故於彼國土，謂之胎生。

若有眾生，明信佛智乃至勝智，作諸功德，信心迴向。此諸眾生，於七寶華中自然化生，跏趺而坐。須臾之頃，身相光明、智慧功德，如諸菩薩具足成就。

彌勒當知，其有菩薩生疑惑者，為失大利。

6. 《無量壽經》「過火聞法」之文（一三三頁）：

設有大火，充滿三千大千世界，要當過此，聞是經法，歡喜信樂，受持讀誦，如說修行。

* 《小經》言：

1. 汝等眾生，當信是《稱讚不可思議功德一切諸佛所護念經》。

2. 汝等皆當信受我語及諸佛所說。

3. 汝等有情，皆應信受如是稱讚不可思議佛土功德一切諸佛攝受法門。

（《稱讚淨土佛攝受經》）

4.聞佛所說，歡喜信受，作禮而去。

5.一切大眾，聞佛所說，皆大歡喜，信受奉行。(《稱讚淨土佛攝受經》)

* 龍樹《易行品》：

・「信疑得失」之偈（一九七頁）：

若人種善根，疑則華不開，信心清淨者，華開則見佛。

* 曇鸞《往生論註》：

1.「信佛因緣，便得往生」之文（二三〇頁）：

易行道者：謂但以信佛因緣，願生淨土，乘佛願力，便得往生彼清淨土；

佛力住持，即入大乘正定之聚，正定即是阿毗跋致。譬如水路，乘船則樂。

2.「信佛因緣，皆得往生」之文（二七六頁）：

但令不誹謗正法，信佛因緣，皆得往生。

3.「三不信」之文（二八四頁）：

又有三種不相應：一者信心不淳，若存若亡故；二者信心不一，無決定故；三者信心不相續，餘念間故。

4.「他力論・當生信心」之文（三三五、三三六、三三七頁）：

有何因緣，言「速得成就阿耨多羅三藐三菩提」？

覈求其本，阿彌陀如來為增上緣。

凡是生彼淨土，及彼菩薩、人天所起諸行，皆緣阿彌陀如來本願力故。

何以言之？若非佛力，四十八願便是徒設。

今的取三願，用證義意。……

緣佛願力故，十念念佛，便得往生。……

以斯而推，他力為增上緣，得不然乎！

愚哉，後之學者！聞他力可乘，當生信心，勿自局分也。

* 曇鸞《讚阿彌陀佛偈》：

5.「信心歡喜」之偈（三四八頁）：

諸聞阿彌陀德號，信心歡喜慶所聞，

乃暨一念至心者，迴向願生皆得往。

* 善導《觀經疏》：

1.「生信無疑」之文（四七七頁）：

生信無疑，乘佛願力，悉得生也。

2.「二種深信」之文（六四七頁）：

一者決定深信：自身現是罪惡生死凡夫，曠劫以來常沒常流轉，無有出離之緣。

二者決定深信：彼阿彌陀佛四十八願，攝受眾生；無疑無慮，乘彼願力，定得往生。

3.「由若金剛」之文（六五四頁）：

此心深信，由若金剛，不為一切異見、異學、別解、別行人等之所動亂破壞。

4.「不生疑怯」之文（六五七頁）：

此人既聞此遣彼喚，即自正當身心，決定尋道直進，不生疑怯退心。

5.「信順二尊」之文（六五九頁）：

信順二尊之意，不顧水火二河，念念無遺，乘彼願力之道。

* 善導《往生禮讚》：

6.「二種深信」之文（八五五頁）：

深信即是真實信心：信知自身是具足煩惱凡夫，善根薄少，流轉三界，不出火宅；

今信知彌陀本弘誓願，及稱名號，下至十聲一聲等，定得往生。乃至一念無有疑心，故名深信。

7.「信心求念」之文（八五九頁）：

彌陀世尊，本發深重誓願，以光明名號攝化十方，但使信心求念。

8.「自信教人信」之文（八七七頁）：

自信教人信，難中轉更難，大悲傳普化，真成報佛恩。

* 善導《般舟讚》：

9.「無上信心」之文（九二〇頁）：

釋迦如來實是慈悲父母，種種方便，發起我等無上信心。

10.「直入不疑」之偈（九三六頁）：

普願有緣同行者，專心直入不須疑。

11.「人人有分」之偈（九四一頁）：

忽爾思量彼快樂，人人有分不須疑。

* 善導《法事讚》：

12.「無問罪福」之偈（七九九頁）：

無問罪福時多少，心心念佛莫生疑。

* 元照《彌陀經義疏》：

• 「決誓猛信，超越成佛」之文：

念佛法門，不簡智愚豪賤，不論久近善惡，唯取決誓猛信。臨終惡相，十念往生。具縛凡夫，屠沽下類，剎那超越成佛之法，可謂一切世間甚難信也。

* 蓮池《彌陀疏鈔》：

1.「最先根本」之文：

求生淨土，信為最先。從始至終，信為根本。

2.「諦信不疑」之文：

念佛往生，但諦信不疑而已，何復擬議為哉。

3.「生佛不二」之文：

信生佛不二，眾生念佛，定得往生，究竟成佛。

4.「萬信萬生」之文：

往生淨土，要須有信。千信即千生，萬信即萬生。

* 蕩益《靈峰宗論》「信為其首」文：

1.一切罪中，疑罪為最；一切功德，信為其首。

* 蕩益《彌陀要解》「淨土指南」文：

2.深信發願，即是無上菩提；合此信願，的為淨土指南。

* 印光法語：

1.淨土法門，若信得及，何善如之。

2.淨土法門，唯信為本。信得極，五逆十惡，皆能往生。

3.淨土法門，為佛法中最平常、最高深之法門；

若非宿具善根，實難深生正信。

4.果能生死心切，信得及，不生一念疑惑之心，則雖未出娑婆，已非娑婆之久客；未生極樂，即是極樂之嘉賓。

5.能於此法，深生信心，則雖具縛凡夫，其種性已超二乘之上。

喻如太子墮地，貴壓群臣。

6.若能信受，可謂超格大丈夫。

7.信之一法，可不急急講求，以期深造其極乎哉！

貳、專稱彌陀佛名（本願稱名）

- 1.《觀經疏》「一向專稱」之文（《淨土宗聖教集》七一〇頁）：

雖說定散兩門之益，望佛本願，意在眾生一向專稱彌陀佛名。

- 2.《無量壽經》「第十八願文」（六六頁）：

設我得佛，十方眾生，至心信樂，欲生我國，乃至十念，
若不生者，不取正覺；唯除五逆，誹謗正法。

- 3.《無量壽經》「第十八願成就文」（九一頁）：

諸有眾生，聞其名號，信心歡喜，乃至一念，
至心迴向，願生彼國，即得往生，住不退轉；
唯除五逆，誹謗正法。

- 4.《無量壽經》「流通分」之文（一三三頁）：

其有得聞彼佛名號，歡喜踴躍乃至一念，
當知此人為得大利，則是具足無上功德。

- 5.《無量壽經》「第十八願成就偈」（九六頁）：

其佛本願力，聞名欲往生，皆悉到彼國，自致不退轉。

6. 《莊嚴經》「念佛往生成佛」之偈：

我若成正覺，立名無量壽，眾生聞此號，俱來我剎中；
如佛金色身，妙相悉圓滿，亦以大悲心，利益諸群品。

7. 《大集月藏經》「罕一得道」之文（四〇八頁）：

末法億億人修行，罕一得道；唯依念佛，得度生死。（取意）

8. 《般舟三昧經》「當念我名」之文（八一八頁）：

欲來生者，當念我名，莫有休息，即得來生。
佛言：專念故得往生。

9. 《無量壽經》「第十七願文」（六六頁）：

設我得佛，十方世界無量諸佛，不悉咨嗟稱我名者，不取正覺。

10. 《無量壽經》「第十七願成就文」：

十方恆沙，諸佛如來，皆共讚歎，無量壽佛，威神功德，
不可思議！（九一頁）
無量壽佛，威神無極，十方世界，無量無邊，不可思議，
諸佛如來，莫不稱歎。（九四頁）

11. 《無量壽經》「三誓偈」（七二頁）：

我建超世願，必至無上道，斯願不滿足，誓不成等覺。

我於無量劫，不為大施主，普濟諸貧苦，誓不成等覺。

我至成佛道，名聲超十方，究竟有不聞，誓不成等覺。

12. 《觀經》「法界身」之文（一五七頁）：

諸佛如來是法界身，入一切眾生心想中。

13. 《觀經》「光明遍照」之文（一五九頁）：

光明遍照十方世界，念佛眾生攝取不捨。

14. 《觀經》「稱名滅罪」之文（一七九頁）：

如是至心，令聲不絕，具足十念，稱南無阿彌陀佛。

稱佛名故，於念念中，除八十億劫生死之罪。

15. 《觀經》「芬陀利華」之文（一八一頁）：

若念佛者，當知此人，則是人中芬陀利華；

觀世音菩薩、大勢至菩薩，為其勝友；

當坐道場，生諸佛家。

16. 《觀經疏》「念佛超絕」之文（七〇八頁）：

念佛三昧功能超絕，實非雜善得為比類。

17.《觀經疏》「五種嘉譽」之文（七〇九頁）：

若念佛者，即是人中好人，人中妙好人，人中上上人，人中稀有人，人中最勝人也。

18.《觀經疏》「二聖為友」之文（七〇九頁）：

專念彌陀名者，即觀音、勢至，常隨影護，亦如親友知識。

19.《觀經》「流通持名」之文（一八一頁）：

佛告阿難：「汝好持是語，持是語者，即是持無量壽佛名。」

20.《觀經疏》「一向專念」之文（七一〇頁）：

上來雖說定散兩門之益，望佛本願，意在眾生一向專稱彌陀佛名。

21.《小經》「少善不生」之文（九頁）：

不可以少善根福德因緣得生彼國。

22.《梵文小經》「少善不生」之文：

眾生不因此世，所作善行，得生彼國。

23.《小經》「執持名號」之文（九頁）：

聞說阿彌陀佛，執持名號……一心不亂。

24.《稱讚淨土佛攝受經》「功德名號」之文（三一頁）：

得聞如是無量壽佛，無量無邊、不可思議、功德名號。

25. 《佛說阿彌陀佛根本秘密神咒經》：

阿字十方三世佛，彌字一切諸菩薩，

陀字八萬諸聖教，三字之中是具足。

26. 《易行品》「本願取意文」（一九六頁）：

阿彌陀佛本願如是：若人念我，稱名自歸，即入必定，得阿耨多羅

三藐三菩提；是故常應憶念。

27. 《易行品》「稱名不退」之偈（一八九頁）：

若人欲疾至，不退轉地者，

應以恭敬心，執持稱名號。

28. 《易行品》「即時不退」之偈（一九六頁）：

人能念是佛，無量功德，

即時入必定，是故我常念。

29. 《易行品》「華開見佛」之偈（一九七頁）：

若人種善根，疑則華不開，

信心清淨者，華開則見佛。

30. 《往生論》「觀佛本願力」之偈（二一三頁）：

觀佛本願力，遇無空過者，
能令速滿足，功德大寶海。

31. 《往生論》「如實修行」之文（二一四頁）：

稱彼如來名，如彼如來光明智相，如彼名義，欲如實修行相應故。

32. 《往生論註》「名號破滿」之文（二八四頁）：

無礙光如來名號，能破眾生一切無明，能滿眾生一切志願。

33. 《往生論註》「功德名號」之文（二七九頁）：

阿彌陀如來真實清淨無量功德名號。

34. 《往生論註》「寶珠名號」之文（三〇七頁）：

阿彌陀如來至極無生清淨寶珠名號。

35. 《往生論註》「緣佛願力」之文（三三六頁）：

緣佛願力故，十念念佛，便得往生。

36. 《安樂集》「名號度生」之文（三六二頁）：

諸佛如來有無量名號，若總若別，其有眾生，繫心稱念，莫不除障
獲益，皆生佛前，即是名號度眾生。

37. 《安樂集》「本願取意文」（四〇八頁）：

· 若有眾生，縱令一生造惡，臨命終時，十念相續，稱我名字，若不生者，不取正覺。

· 縱使一形造惡，但能繫意專精，常能念佛，一切諸障自然消除，定得往生。

38. 《觀經疏》「一一願言」之文（四八四頁）：

法藏比丘，在世饒王佛所行菩薩道時，發四十八願，一一願言：「若我得佛，十方眾生，稱我名號，願生我國，下至十念，若不生者，不取正覺。」（本願取意文）

39. 《觀經疏》「唯明專念」之文（六一五頁）：

《無量壽經》四十八願中，唯明專念彌陀名號得生。

40. 《觀念法門》「乘我願力」之文（八三四頁）：

若我成佛，十方眾生，願生我國，稱我名字，下至十聲，乘我願力，若不生者，不取正覺。

41. 《往生禮讚》「四十八字願成釋」（九一五頁）：

若我成佛，十方眾生，稱我名號，下至十聲，若不生者，不取正覺；

彼佛今現，在世成佛，當知本誓，重願不虛，眾生稱念，必得往生。

42. 《觀經疏》「本願取意文」（四六六頁）：

一心信樂，求願往生，上盡一形，下收十念，乘佛願力，
莫不皆往。

43. 《觀經疏》「本願取意文」（四八三頁）：

但能上盡一形，下至十念，以佛願力，莫不皆往，故名易也。

44. 《往生禮讚》「光號攝化」之文（八五九頁）：

彌陀世尊，本發深重誓願，以光明名號攝化十方，但使信心求念；
上盡一形，下至十聲、一聲等，以佛願力，易得往生。

45. 《觀經疏》「六字釋」之文（四八三頁）：

言「南無」者，即是歸命，亦是發願迴向之義；

言「阿彌陀佛」者，即是其行：

以斯義故，必得往生。

46. 《觀經疏》「弘願文」（四五九頁）：

言「弘願」者，如《大經》說：

一切善惡凡夫得生者，莫不皆乘阿彌陀佛大願業力為增上緣也。

47. 《觀經疏》「要弘廢立」之文（七一〇頁）：

雖說定散兩門之益，望佛本願，意在眾生一向專稱彌陀佛名。

48.《觀經疏》「二種深信」之文（六四七頁）：

一者決定深信：自身現是罪惡生死凡夫，曠劫以來常沒常流轉，無有出離之緣。

二者決定深信：彼阿彌陀佛四十八願，攝受眾生；無疑無慮，乘彼願力，定得往生。

49.《觀經疏》「正定業」之文（六五三頁）：

一心專念彌陀名號，行住坐臥，不問時節久近，念念不捨者，是名正定之業，順彼佛願故。

50.《觀經疏》「不問罪福」之文（六五二頁）：

一切凡夫，不問罪福多少、時節久近，
但能上盡百年，下至一日、七日，
一心專念彌陀名號，定得往生，必無疑也！

51.《觀念法門》「造罪迴心」之文（八三九頁）：

一切造罪凡夫，但迴心念阿彌陀佛，願生淨土，
上盡百年，下至七日、一日，十聲、三聲、一聲等，
命欲終時，佛與聖眾自來迎接，即得往生。

52.《往生禮讚》「念佛必生」之文（九一六頁）：

若有眾生，稱念阿彌陀佛，若七日及一日，
下至十聲，乃至一聲、一念等，必得往生。

53. 《觀念法門》「三輩專念」之文（八三五頁）：

佛說一切眾生根性不同，有上中下，
隨其根性，佛皆勸專念無量壽佛名；
其人命欲終時，佛與聖眾自來迎接，盡得往生。

54. 《觀經疏》「往生義疾」之文（六九二頁）：

所聞化讚，但述「稱佛之功，我來迎汝」，不論聞經之事。然望佛
願意者，唯勸正念稱名，往生義疾，不同雜散之業。

55. 《往生禮讚》「百即百生」之文（八六〇頁）：

念念相續，畢命為期者，十即十生，百即百生。

何以故？無外雜緣得正念故；與佛本願得相應故；不違教故；隨順
佛語故。

若欲捨專修雜業者，百時稀得一二，千時稀得三五。

但使專意作者，十即十生；修雜不至心者，千中無一。

56. 《觀經疏》「念佛延促」之文（六六三頁）：

上盡一形，下至一日、一時、一念等；

或從一念、十念，至一時、一日、一形。

大意者：一發心以後，誓畢此生，無有退轉，唯以淨土為期。

57. 《無量壽經》「最尊第一」之文（七七頁）：

無量壽佛，威神光明，最尊第一，諸佛光明，所不能及。

58. 《大阿彌陀經》「諸佛不及」之文：

阿彌陀佛光明，最尊、第一、無比，諸佛光明皆所不及也。

59. 《大阿彌陀經》「諸佛之王」之文：

阿彌陀佛，諸佛中之王也，光明中之極尊也。

60. 《阿彌陀經》「光明無量」之文（七頁）：

彼佛光明無量，照十方國，無所障礙，是故號為阿彌陀。

61. 《觀經》「光明遍照」之文（一五九頁）：

光明遍照十方世界，念佛眾生攝取不捨。

62. 《往生禮讚》「唯攝念佛」之文（八六二頁）：

彼佛光明無量，照十方國，無所障礙，

唯觀念佛眾生，攝取不捨，故名阿彌陀。

63. 《觀念法門》「不攝雜行」之文（八二五頁）：

但有專念阿彌陀佛眾生，彼佛心光常照是人，攝護不捨；總不論照攝餘雜業行者。

64.《觀經疏》「光攝三緣」之文（六一四頁）：

問曰：備修眾行，但能迴向，皆得往生；何以佛光普照，唯攝念佛者，有何意也？

答曰：此有三義：

一明「親緣」：眾生起行，口常稱佛，佛即聞之；

身常禮敬佛，佛即見之；心常念佛，佛即知之。

眾生憶念佛者，佛亦憶念眾生，

彼此三業，不相捨離，故名「親緣」也。

二明「近緣」：眾生願見佛，佛即應念，現在目前，故名「近緣」也。

三明「增上緣」：眾生稱念，即除多劫罪；

命欲終時，佛與聖眾，自來迎接；諸邪業繫，無能礙者，故名「增上緣」也。

自餘眾行，雖名是善，若比念佛者，全非比較也。是故諸經中，處處廣讚念佛功能。

如《無量壽經》四十八願中，唯明專念彌陀名號得生。

又如《彌陀經》中，一日七日專念彌陀名號得生。

又十方恆沙諸佛證誠不虛也。

又此《經》定散文中，唯標專念名號得生。

此例非一也。

65. 《觀念法門》「不遭九橫」之文（八二一頁）：

稱念阿彌陀佛，願生淨土者，現生即得延年轉壽，不遭九橫之難。

66. 《觀念法門》「諸佛舒舌」之文（八四〇頁）：

六方等佛舒舌，定為凡夫作證，罪滅得生；

若不依此證得生者，六方諸佛舒舌，一出口以後，終不還入口，自然壞爛。

67. 《法事讚》「念佛入報」之偈（七七五頁）：

極樂無為涅槃界，隨緣雜善恐難生；

故使如來選要法，教念彌陀專復專。

68. 《法事讚》「念佛最親」之偈（七三九頁）：

弘誓多門四十八，偏標念佛最為親；

人能念佛佛還念，專心想佛佛知人。

69. 《往生禮讚》「唯攝念佛」之偈（九〇五頁）：

彌陀身色如金山，相好光明照十方；

唯有念佛蒙光攝，當知本願最為強。

六方如來舒舌證，專稱名號至西方；

到彼華開聞妙法，十地願行自然彰。

70. 《般舟讚》「唯覓念佛」之偈（九五〇頁）：

相好彌多八萬四，一一光明照十方；

不為餘緣光普照，唯覓念佛往生人。

71. 《法事讚》「無過念佛」之偈（七八七頁）：

種種法門皆解脫，無過念佛往西方，

上盡一形至十念，三念五念佛來迎，

直為彌陀弘誓重，致使凡夫念即生。

72. 《般舟讚》「不如念佛」之偈（九四五頁）：

一切善業迴生利，不如專念彌陀號；

念念稱名常懺悔，人能念佛佛還憶。

73. 《般舟讚》「念佛最尊」之偈（九五〇頁）：

萬行俱迴皆得往，念佛一行最為尊；

迴生雜善恐力弱，無過一日七日念。

74. 《般舟讚》「利劍名號」之偈（九二四、九六三頁）：

利劍即是彌陀號，一聲稱念罪皆除。

謗法闍提行十惡，迴心念佛罪皆除。

75. 《法事讚》「不問罪福」之偈（七九九頁）：

四十八願殷勤喚，乘佛願力往西方；

無問罪福時多少，心心念佛莫生疑。

76. 《般舟讚》「普勸有緣」之偈（九六五頁）：

普勸有緣常念佛，觀音大勢為同學；

若能念佛人中上，願得同生諸佛家。

77. 《往生禮讚》「法界身」之偈（九〇五頁）：

真形光明遍法界，蒙光觸者心不退。

78. 《往生禮讚》「法界身」之偈（九〇五頁）：

彌陀身心遍法界，影現眾生心想中。

79. 法照大師偈：

· 彼佛因中立弘誓，聞名念我總迎來，
不簡貧窮將富貴，不簡下智與高才，
不簡多聞持淨戒，不簡破戒罪根深，
但使迴心多念佛，能令瓦礫變成金。

· 彌陀本願特超殊，慈悲方便引凡夫；
一切眾生皆度脫，稱名即得罪消除。

· 如來尊號甚分明，十方世界普流行；
但有稱名皆得往，觀音勢至自來迎。

· 此界一人念佛名，西方便有一蓮生；

但使一生常不退，此華還到此間迎。

80.法然《選擇集》「標宗文」（《法全》三頁）：

南無阿彌陀佛。往生之業，念佛為本。

81.法然《選擇集》「三選文」（《法全》一一二頁）：

欲速離生死，二種勝法中，且擱聖道門，選入淨土門。

欲入淨土門，正雜二行中，且拋諸雜行，選應歸正行。

欲修於正行，正助二業中，猶傍於助業，選應專正定。

正定之業者，即是稱佛名，稱名必得生，依佛本願故。

82.法然《選擇集》「念佛是勝」之文（《法全》二七頁）：

念佛是勝，餘行是劣，所以者何？

名號者是萬德之所歸也。

然則彌陀一佛所有四智、三身、十力、四無畏等一切內證功德，相好、光明、說法、利生等一切外用功德，皆悉攝在阿彌陀佛名號之中，故名號功德最為勝也。

餘行不然，各守一隅，是以為劣也。

譬如世間屋舍名字之中攝棟樑椽柱等一切家具，而棟樑等一一名字中不能攝一切，以是應知。

83.法然「弘願一稱」之文（《法全》五〇八頁）：

弘願一稱者，萬行之宗致；果號三字者，眾德之根源。

84.法然「極善最上」之文（《法全》五〇九頁）：

彌陀名號者：

極善最上法也，雖造罪凡夫，修之得往生；

他力難思行也，雖具縛底下，信之預來迎。

85.法然「名體一如」之文（《法全》五〇九頁）：

體外無名，名外無體。

萬善妙體，即名號六字；

恆沙功德，備口稱一行。

大願業力所構出，令萬德讓與行者；

他力難思巧方便，令一稱超過眾善。

知識廣讚，猛火為涼風；

善友教稱，金蓮如杲日。

名號大利無上功德也。

86.一遍「弘願一稱」之文：

弘願一稱萬行致，果號三字眾德源；

不蹈心地登靈台，不假工夫開覺藏。

87.一遍「因中萬行」之文：

因中萬行之功，攝於六字；

果號一稱之益，施於十方。

88.源信「唯稱彌陀」之文：

極重惡人無他方便，唯稱彌陀得生極樂。

我亦在彼攝取之中，煩惱障眼雖不能見，

大悲無倦常照我身。

89.窺基「諸佛願行」之文：

諸佛願行，成此果名；但能念號，具包眾德，

故成大善，不廢往生。

90.元照「萬行圓修」之文：

一乘極唱，終歸咸指於樂邦；

萬行圓修，最勝獨推於果號。

91.元照「超越成佛」之文：

念佛三昧者，具縛凡愚，屠沽下類，剎那超越成佛之法也。

92.戒度「總彰四字」之文：

佛名乃是積劫薰修，攬其萬德，總彰四字，是故稱之，獲益非淺。

93.用欽「因果具足」之文：

今若以我心口，稱念一佛嘉號，
則從因至果，無量功德，無不具足。

94.法位「稱名稱德」之文：

諸佛皆德施名，稱名即稱德，德能滅罪生福，名亦如是。

95.蓮池「三祇一念」之文：

越三祇於一念，齊諸聖於片言。
一念者，即能念阿彌陀佛之一念也，
片言者，即所念阿彌陀佛之片言也。

96.蓮池「舉其名兮」之文：

舉其名兮，兼眾德而具備；
專乎持也，統百行以無遺。

佛有無量德，今但四字名號，足以該之；
有無量行法，今但持名一法，足以該之。

97.蓮池「不論大根小根」之文：

不論大根小根，但念佛者，即得往生。
但念佛名，必得往生。

98.蓮池「正念才舉」之文：

正念才舉，雜想自除，喻如獅子出窟，百獸潛蹤，杲日照霜，千林失白。

99.蓮池「以念攻念」之文：

念一佛名，換彼百千萬億之雜念。

100.蓮池「橫出三界」之文：

餘門學道，名豎出三界；念佛往生，名橫出三界。

如蟲在竹，豎則歷節難通，橫則一時透脫。

101.蕩益「橫超三界」之文：

出三界火宅，有「橫」、「豎」兩途：

以「自力」斷惑超生死者，名「豎出」三界，事「難」功「漸」。

以「佛力」接引生西方者，名「橫超」三界，事「易」功「頓」。

102.蓮池「一生取辦」之文：

博地凡夫，欲登聖地，其事甚難，其道甚遠。

今但持名，即得往生；既往生已，即得不退。

可謂彈指圓成，一生取辦。

103.蕩益「超生脫死」之文：

超生脫死，捨淨土一門，決無直捷橫超方便；

往生淨土，捨念佛一法，決無萬修萬去工夫。

104蓮池「八難超十地」之文：

八難超十地之階，此則地獄鬼畜，但念佛者，悉往生故。

105蓮池「惡人念佛」之文：

惡人念佛，尚得往生，何況惡未必如善和；

畜生念佛，尚得往生，何況靈而號為人類。

106蓮池「多善多福」之文：

但持佛名，即為多善多福。

可謂妙中之妙，玄中之玄，徑而復徑。

107蓮池「善中之善」之文：

持名乃善中之善，福中之福。

正所謂發菩提心，而為生彼國之大因緣也。

以持名為正行，復以持名為發菩提心。

阿彌陀佛即無上菩提故，是則善中之善，名多善也。

108蓮池「不可思議善根」之文：

執持名號，願見彌陀，誠多善根、大善根、最勝善根、不可思議善根。

109蓮池「萬德名號」之文：

彌陀乃萬德名號，一名才舉，萬德齊圓。

不期於福，福已備矣。

110蓮池「言佛便周」之文：

《觀經》言佛便周；極樂依正，言佛便周；佛功德海，亦言名便周。

111蓮池「猶勝持咒」之文：

專持名號，猶勝持咒，亦勝餘咒，亦勝一切諸餘功德。

112蓮池「攝無不盡」之文：

六度萬行，法門無量，而專持名號，則種種功德，攝無不盡。

113蓮池「此經不兼」之文：

此經不兼戒律，亦無論議；自始至終，專說念佛求生淨土。

114蓮池「滅而不滅」之文：

諸經悉滅，此經獨存，念佛一門，廣度群品，則諸經已滅而不滅，

即是以一存餘，流轉無盡，正總持之謂也。

115古德「名實不二」之文：

佛名者，名外無實，實外無名，名實不二，故言名便周。

116古德「名能召體」之文：

名必有相，名為能召，相為所召。

既稱能召之名，必有所召之4體。

117徹悟「名外無德」之文：

一句所念之佛：

全德立名，德外無名；以名召德，名外無德。

118大佑「萬德齊彰」之文：

一稱嘉號，萬德齊彰；罪銷塵劫，福等虛空。

119蕩益「莫若念佛」之文：

一切方便之中，求其至直截至圓頓者，

莫若念佛求生淨土。

一切念佛法門之中，求其至簡易至穩當者，

莫若信願專持名號。

120蕩益「普被三根」之文：

持名一法，普被三根，攝事理以無遺，統宗教而無外。

121蕩益「收機廣，下手易」之文：

持名一法，收機最廣，下手最易。

可謂方便中第一方便，了義中無上了義，圓頓中最極圓頓。

122蕩益「萬病總持」之文：

阿伽陀藥，萬病總持，絕待圓融，不可思議。

《華嚴》奧藏，《法華》秘髓，一切諸佛之心要，菩薩萬行之司南，皆不出於此矣。

123蕩益「圓收圓超」之文：

淨土法門，三根普被，絕待圓融，不可思議，圓收圓超一切法門。

124蕩益「善福同佛」之文：

持名善根福德同佛。

125蕩益「佛以大願大行」之文：

佛以大願作眾生多善根之因，以大行作眾生多福德之緣。

信願執持名號，則一一聲悉具多善根福德。

126蕩益「光壽法界」之文：

光壽二義，收盡一切無量。

光則橫遍十方，壽則豎窮三際；橫豎交徹，即法界體。

舉此體作彌陀身土，亦即舉此體作彌陀名號。

故一念相應一念佛，念念相應念念佛也。

127蕩益「光壽同佛」之文：

光壽名號，皆本眾生建立。

以生佛平等，能令持名者，光明壽命，同佛無異。

128蕩益「凡夫例登補處」之文：

凡夫例登補處，奇倡極談，不可測度。

同盡無明，同登妙覺，超盡四四十一因位。

此皆教網所不能收，剎網所不能例。

129蕩益「以名召德」之文：

阿彌陀佛是萬德洪名，以名召德，罄無不盡。

故即以執持名號為正行，不必更涉觀想、參究等行；

至簡易、至直捷也。

130蕩益「念念即佛」之文：

執持名號，既簡易直捷，仍至頓至圓。以念念即佛故，不勞觀想，

不必參究，當下圓明，無餘無欠。上上根不能逾其闔，下下根亦能

臻其域。可謂橫該八教，豎徹五時。

131蕩益「潛通佛智」之文：

愚夫婦老實念佛者，為能潛通佛智，暗合道妙也。

132蕩益「橫豎圓超」之文：

信願持名一法，圓收圓超一切法門。

豎與一切法門渾同，橫與一切法門迥異。

133 蕩益「不假方便」之文：

但持名號，不假禪觀諸方便。

134 蕩益「全攝佛德」之文：

信願持名，全攝佛功德成自功德。

135 蕩益「徑登不退」之文：

無藉劬勞修證，但持名號，徑登不退。

奇特勝妙，超出思議，第一方便。

136 蕩益「果覺全授」之文：

一聲阿彌陀佛，即釋迦本師於五濁惡世所得之阿耨多羅三藐三菩提法。

今以此果覺，全體授與濁惡眾生。

乃諸佛所行境界，唯佛與佛能究盡，

非九界自力所能信解也。

137 蕩益「念佛偈」：

不參禪，不學教，彌陀一句真心要。

不談玄，不說妙，數珠一串真風調。

由他譏，任他笑，念不沉兮亦不掉。

晝夜稱名誓弗忘，專待慈尊光裏召。

懸知蓮萼已標名，請君同上慈悲船。

138蕩益「洪名法界」之偈：

六字洪名真法界，不須方便自橫超。

139印光「包攝淨盡」之文：

阿彌陀佛所證之菩提覺道，即阿彌陀佛一句萬德洪名，包攝淨盡。

140印光「法界藏身」之文：

阿彌陀佛是法界藏身，所有十方法界諸佛功德，阿彌陀佛一佛全體具足。

如帝網珠，千珠攝於一珠，一珠遍於千珠。

舉一全收，無欠無餘。

141印光「洪爐片雪」之文：

阿彌陀佛萬德洪名，如大冶洪爐。

吾人多生罪業，如空中片雪。

業力凡夫，由念佛故，業便消滅。

如片雪近於洪爐，即便了不可得。

142印光「如操左券」之文：

但持阿彌陀佛萬德洪名，則往生一事，如操左券。

乃千穩萬當、萬不漏一之特別法門也。

如人習射，以地為的，發無不中。

143印光「實不在多」之文：

吾人欲了生死，實不在多，只一「真信、切願、念佛求生西方」足矣！縱饒讀盡大藏，亦不過為成就此事而已。

144印光「成佛有餘」之文：

一句「南無阿彌陀佛」，只要念得熟，成佛尚有餘裕，不學他法，又有何憾？

145印光「一大藏教」之文：

一句佛號，包括一大藏教，罄無不盡。
一代時教，皆念佛法門之註腳。

146印光「功德最大，念佛第一」之文：

做佛事唯念佛功德最大。
做佛事以念佛為第一，餘皆場面好看而已。

147印光「愚夫愚婦」之文：

念佛一法，最好學愚夫愚婦，老實行持為要。
俗言，聰明反被聰明誤，可不懼乎？

148印光「本命元辰」之文：

任憑智同聖人，當悉置之度外，

將此一句佛號，當做本命元辰，誓求往生。

149印光「專心無二，生死無關」之文：

念佛一法，尤其專心無二。若學此學彼，縱將三藏十二部讀得爛熟，

仍於生死無關。

150印光「九品之觀」之文：

九品之觀，不過令人知行人往生之前因與後果耳。

但期了知即已，正不必特為作觀也。

151印光「觀不合機」之文：

觀心之法，乃教家修觀之法，念佛之人，不甚合機。

觀不能作，稱即獲益。

於此諦思，知持名一法，最為第一。

152印光「不可禪淨雙修」之文：

切不可參入宗門，圖得禪淨雙修之嘉名。

念佛人帶著宗門氣息，則得利益處少，失利益處多也。

153印光「自得福報」之文：

須知真能念佛，不求世間福報，而自得世間福報：

如長壽無病、家門清泰、子孫發達、諸緣如意、萬事吉祥等。

若求世間福報，不肯迴向往生，則所得世間福報反為下劣；

而心不專一，往生便難決定矣。

154印光「一稱超十地」之偈：

莫訝一稱超十地，須知六字括三乘。

155印光「念者蓮生」之偈：

祇園始經營，天界之宮殿已現；

佛念才發起，淨土之蓮花即生。

156印光「不離不忘」之偈：

隨忙隨閑，不離彌陀名號；

順境逆境，不忘往生西方。

157古崑「以名召德」之偈：

以名召德本融通，彼佛分明在口中；

果得持名無異念，聲聲露出紫金容。

158古云「諸佛入心」之偈：

諸佛猶如淨明鏡，我心亦如摩尼珠；

諸佛常來入我心，我心遍入諸佛軀。

參、願生彌陀淨土（凡夫入報，業成不退）

1.《小經》「依正莊嚴」之文：

(1)彼土何故，名為極樂？

其國眾生，無有眾苦，但受諸樂，故名極樂。

(2)極樂國土，七重欄楯、七重羅網、七重行樹，皆是四寶，周匝圍繞。

(3)極樂國土，有七寶池、八功德水，充滿其中。池底純以金沙布地，四邊階道，金、銀、琉璃、玻璃合成。

(4)上有樓閣，亦以金、銀、琉璃、玻璃、硨磲、赤珠、瑪瑙而嚴飾之。

(5)池中蓮華，大如車輪，青色青光、黃色黃光、赤色赤光、白色白光，微妙香潔。

(6)彼佛國土，常作天樂，黃金為地。晝夜六時，雨天曼陀羅華。其土眾生，常以清旦，各以衣祴，盛眾妙華，供養他方十萬億佛；即以食時，還到本國，飯食經行。

(7)彼國常有，種種奇妙，雜色之鳥：白鶴、孔雀、鸚鵡、舍利、迦陵頻伽、共命之鳥。是諸眾鳥，晝夜六時，出和雅音。其音演暢五根、五力、

七菩提分、八聖道分，如是等法。其土眾生，聞是音已，皆悉念佛、念法、念僧。

(8)彼佛國土，微風吹動，諸寶行樹，及寶羅網，出微妙音，譬如百千種樂，同時俱作。聞是音者，自然皆生念佛、念法、念僧之心。

2.《觀經疏》「念佛為宗，往生為體」之文（四六四頁）：

以念佛三昧為宗，一心迴願往生淨土為體。

3.《觀經疏》「諸佛勸生」之文（五七四頁）：

諸佛出世，種種方便勸化眾生者，不欲直令制惡修福，受人天樂也。

人天之樂，猶如電光，須臾即捨，還入三惡，長時受苦。

為此因緣，但勸即令求生淨土，向無上菩提。

是故今時有緣相勸，誓生淨土者，即稱諸佛本願意也。

4.《安樂集》「願生理由」之文（三八四頁）：

問曰：或有人言，願生穢國教化眾生，不願往生淨土，是事云何？

答曰：此人亦有一徒。何者？若身居不退已去，為化雜惡眾生故，能處染不染，逢惡不變。如鵝鴨入水，水不能濕。如此人等，堪能處穢拔苦。若是實凡夫者，唯恐自行未立，逢苦即變，欲濟彼者，相與俱沒。如似逼

雞入水，豈能不濕。

是故《智度論》（卷二九意）云：「若凡夫發心，即願在穢土拔濟眾生者，聖意不許。」何意然者？龍樹菩薩釋（卷二九意）云：「譬如四十里冰，如有一人，以一升熱湯投之，當時似如少減，若經夜至明，乃高於餘者。凡夫在此發心救苦亦復如是，以貪瞋境界違順多故，自起煩惱，返墮惡道故也。」

又云「新發意菩薩，機解軟弱，雖言發心，多願生淨土。何意然者？譬如嬰兒，若不近父母恩養，或墮阬、落井、火、蛇等難，或乏乳而死；要假父母摩洗養育，方可長大，能紹繼家業。菩薩亦爾，若能發菩提心，多願生淨土，親近諸佛，增長法身，方能匡紹菩薩家業，十方濟運。為斯益故，多願生也」。又，彼《論》（卷六一、六六意）云：「譬如鳥子，翅翮未成，不可逼令高翔。先須依林傳樹，羽成有力，方可捨林遊空。新發意菩薩亦爾，先須乘願求生佛前，法身成長，隨感赴益。」

5. 《莊嚴經》「彌陀呼喚」之偈：

輪迴諸趣眾生類，速生我剎受快樂；

常運慈心拔有情，度盡阿鼻苦眾生。

6. 《大經》「本願文」（六六頁）：

欲生我國，乃至十念，若不生者，不取正覺。

7.《大經》「本願成就文」（九一頁）：

願生彼國，即得往生，住不退轉。

8.《大經》「本願成就偈」（九六頁）：

其佛本願力，聞名欲往生，皆悉到彼國，自致不退轉。

9.《大經》「必得超絕去」之偈（一〇五頁）：

必得超絕去，往生安樂國；

橫截五惡道，惡道自然閉。

昇道無窮極，易往而無人；

其國不逆違，自然之所牽。

10.《大經》「十四佛國往生」之文（一三〇頁）：

於此世界，有六十七億不退菩薩往生彼國。

一一菩薩已曾供養無數諸佛，次如彌勒者也。

諸小行菩薩及修習少功德者，不可稱計，皆當往生。

11.《大經》「往生無數」之文（一三二頁）：

不但此十四佛國中諸菩薩等，當往生也；

十方世界無量佛國，其往生者亦復如是，甚多無數。

12.《大經》「過火聞法」之文（一三三頁）：

設有大火，充滿三千大千世界，要當過此，聞是經法，

歡喜信樂，受持讀誦，如說修行。

13.《觀經》「擇生極樂」之文（一四五頁）：

韋提希白佛言：「世尊，是諸佛土雖復清淨，皆有光明，我今樂生極樂世界阿彌陀佛所。」

14.《觀經》「光明攝取」之文（一五九頁）：

光明遍照十方世界，念佛眾生攝取不捨。

15.《小經》「臨終佛迎」之文（九頁）：

其人臨命終時，阿彌陀佛與諸聖眾現在其前；

是人終時，心不顛倒，即得往生阿彌陀佛極樂國土。

16.《小經》「殷勤三勸」之文（八、一〇、一三頁）：

眾生聞者，應當發願，願生彼國。

聞是說者，應當發願，生彼國土。

若有信者，應當發願，生彼國土。

17.《小經》「三願三生」之文（一三頁）：

若有人已發願，今發願，當發願，欲生阿彌陀佛國者，是諸人等，皆得不退轉於阿耨多羅三藐三菩提，於彼國土若已生，若今生，若當生。

18.《觀念法門》「諸佛舒舌」之文（八四〇頁）：

六方等佛舒舌，定為凡夫作證，罪滅得生；若不依此證得生者，六方諸佛舒舌，一出口以後，終不還入口，自然壞爛。

19.《文殊師利發願經》「文殊願生偈」：

願我命終時，除滅諸障礙，
面見阿彌陀，往生安樂國。

20.《華嚴經》「普賢願生偈」：

願我臨欲命終時，盡除一切諸障礙，
面見彼佛阿彌陀，即得往生安樂剎。

21. 文殊普賢同勸法照願生

22. 觀音勸慧日願生

23. 《入楞伽經》「龍樹懸記文」：

於南天國中，有大德比丘，名龍樹菩薩，能破有無見，
為人說我乘，大乘無上法，證得歡喜地，往生安樂國。

24. 《十二禮》「不退菩提」之偈（二〇八頁）：

彼尊無量方便境，無有諸趣惡知識，
往生不退至菩提，故我頂禮彌陀尊。

25. 《十二禮》「迴施眾生」之偈（二〇八頁）：

我說彼尊功德事，眾善無邊如海水，
所獲善根清淨者，迴施眾生生彼國。

26. 《往生論》「天親歸命」之偈（二一二頁）：

世尊我一心，歸命盡十方，無礙光如來，願生安樂國。

27. 《往生論》「一切能滿足」之偈（二一三頁）：

如來淨華眾，正覺華化生。
永離身心惱，受樂常無間。
眾生所願樂，一切能滿足。
故我願生彼，阿彌陀佛國。

28. 《往生論》「普共諸眾生」之偈（二一四頁）：

我作論說偈，願見彌陀佛，普共諸眾生，往生安樂國。

29.《讚阿彌陀佛偈》「我願往生」之偈（三四〇）：

現在西方去此界，十萬億剎安樂土，

佛世尊號阿彌陀，我願往生歸命禮。

30.《往生論註》「皆得往生，不斷得證」之文（二七六、三〇〇、二九一頁）：

- 但令不誹謗正法，信佛因緣，皆得往生。
- 願往生者，皆得往生。
- 五逆十惡，具諸不善，亦得往生。
- 若人但聞彼國土清淨安樂，剋念願生，亦得往生，即入正定聚。
- 有凡夫人煩惱成就，亦得生彼淨土，三界繫業畢竟不牽。

則是不斷煩惱得涅槃分，焉可思議！

31.《往生論註》「十念業成」之文（二八〇頁）：

經言「十念」者，明業事成辦耳。

十念業成。

32.《往生論註》「不實功德」之文（二三九頁）：

凡夫人天諸善、人天果報，若因若果，

皆是顛倒，皆是虛偽，是故名不實功德。

33.《觀經疏》「迴向偈」（四五七頁）：

願以此功德，平等施一切，同發菩提心，往生安樂國。

34.《觀經疏》「發遣來迎」之文（四五九頁）：

仰惟釋迦此方發遣，彌陀即彼國來迎，彼喚此遣，豈容不去也？

35.《觀經疏》「立撮即行」之文（五九四頁）：

彌陀在空而立者，但使迴心正念，願生我國，立即得生也。

立撮即行，不及端坐以赴機也。

36.《觀經疏》「真佛弟子」之文（六四八頁）：

仰願一切行者等，一心唯信佛語，不顧身命，決定依行：佛遣捨者即捨，佛遣行者即行，佛遣去處即去。是名隨順佛教、隨順佛意，是名隨順佛願，是名真佛弟子。

37.《觀經疏》「二尊遣喚」之文（六五七頁）：

東岸勸聲：仁者，但決定尋此道行，必無死難！若住即死。

西岸喚言：汝一心正念直來，我能護汝！眾不畏墮於水火之難。

38.《般舟讚》「不信他語」之偈（九四五頁）：

不得信受他人語，但令心淨此皆淨。

若道此同諸佛國，何因六道同生死。

39. 《般舟讚》「釋迦真弟子」之偈（九五七頁）：

若是釋迦真弟子，誓行佛語生安樂。

不得悠悠信他語，隨緣治病各依法。

忽遇災危身自急，道俗千里未能救。

口說事空心行怨，是非人我如山岳。

如此之人不可近，近即輪迴長劫苦。

側耳傾心常採訪，今身修道得無生。

若聞此法稀奇益，不顧身命要求得。

若能專行不惜命，命斷須與生安樂。

般舟三昧樂，念佛即是涅槃門。

40. 《觀經疏》「尋聲佛到」之偈（七〇四頁）：

化佛菩薩尋聲到，一念傾心入寶蓮。

41. 《法事讚》「火宅難居」之偈（七二〇頁）：

三界火宅難居止，乘佛願力往西方。

42. 《法事讚》「十方佛證」之偈（七二一頁）：

十方恆沙佛舒舌，證我凡夫生安樂。

43. 《法事讚》「分身相迎」之偈（七七〇頁）：

十方凡聖專心向，分身遣化往相迎；

一念乘空入佛會，身色壽命盡皆平。

44. 《法事讚》「臨終聖現」之偈（七七五頁）：

臨終聖眾持華現，身心踴躍坐金蓮；

坐時即得無生忍，一念迎將至佛前。

45. 《法事讚》「乘願往生」之偈（七七七頁）：

終時正意念彌陀，見佛慈光來照身；

乘此彌陀本願力，一念之間入寶堂。

46. 《法事讚》「迴心華捧」之偈（七八三頁）：

彌陀願力皆平等，但使迴心華自捧，

一念逍遙快樂國，畢竟常安無退動。

47. 《往生禮讚》「法界身」之偈（九〇五頁）：

真形光明遍法界，蒙光觸者心不退。

晝夜六時專想念，終時快樂如三昧。

48. 《往生禮讚》「勝緣勝境」之偈（八六七頁）：

恆願一切臨終時，勝緣勝境悉現前。

仰願神光蒙授手，乘佛本願生彼國。

49.《般舟讚》「莫論彌陀」之偈（九三一頁）：

莫論彌陀攝不攝，意在專心迴不迴，

但使迴心決定向，臨終華蓋自來迎。

50.《往生禮讚》「彌陀智願海」之偈（八七一頁）：

彌陀智願海，深廣無涯底，聞名欲往生，皆悉到彼國。

51.《往生禮讚》「一念皆生」之偈（八七五頁）：

其有得聞彼，彌陀佛名號，歡喜至一念，皆當得生彼。

52.《往生禮讚》「過火聞名」之偈（八七六頁）：

設滿大千火，直過聞佛名，聞名歡喜讚，皆當得生彼。

53.《往生禮讚》「特留念佛」之偈（八七六頁）：

萬年三寶滅，此經住百年，爾時聞一念，皆當得生彼。

54.《往生禮讚》「流浪三界」之偈（八八四頁）：

流浪三界內，癡愛入胎獄，

生已歸老死，沉沒於苦海。

我今修此福，迴生安樂土。

55.《觀念法門》「凡聖通入」之文（八四〇頁）：

一切罪惡凡夫尚蒙罪滅，證攝得生，何況聖人願生，而不得去也？

56.善導：

- 一心專念彌陀名號，定得往生。
- 乘彼願力，定得往生。
- 以斯義故，必得往生。
- 眾生稱念，必得往生。
- 乃至一聲一念等，必得往生。
- 以佛願力，易得往生。
- 乘佛願力，莫不皆往。
- 以佛願力，莫不皆往，故名易也。
- 自來迎接，即得往生。
- 自來迎接，盡得往生。
- 念念相續畢命為期，十即十生百即百生。
- 人天善惡，皆得往生，到彼無殊，齊同不退。

57.《大經》「國土第一」之文（六一頁）：

令我作佛，國土第一，其眾奇妙，道場超絕。

國如泥洹，而無等雙。我當愍哀，度脫一切。

十方來生，心悅清淨，已至我國，快樂安穩。

58.《大經》「第十一必至滅度願」（六五頁）：

設我得佛，國中天人，不住定聚，必至滅度者，不取正覺。

59. 《大經》「第三九受樂無染願」（七〇頁）：

設我得佛，國中天人所受快樂，不如漏盡比丘者，不取正覺。

60. 《大經》「第二一相好如佛願」（六七頁）：

設我得佛，國中天人，不悉成滿三十二大人相者，不取正覺。

61. 《大經》「一生補處」之文（九七頁）：

彼國菩薩，皆當究竟一生補處。

62. 《大阿彌陀經》「相好如佛」之文：

三十二相，八十種好，皆令如佛。

63. 《大阿彌陀經》「說法如佛」之文：

說經行道皆如佛。

64. 《大經》「超踰十方」之文（七六頁）：

其佛國土，清淨莊嚴，超踰十方一切世界。

65. 《大經》「無衰無變」之文（七三、七六頁）：

開廓廣大，超勝獨妙，建立常然，無衰無變。

恢廓曠蕩，不可限極。

66.《大經》「無為自然」之文（一二四頁）：

彼佛國土無為自然，皆積眾善，無毛髮之惡。

67.《大經》「依正涅槃」之文（八七頁）：

彼佛國土，清淨安穩，微妙快樂，次於無為泥洹之道。

其諸聲聞、菩薩、天人，智慧高明，神通洞達，咸同一類，形無異狀；

但因順餘方，故有天人之名。顏貌端正，超世稀有，容色微妙，非天

非人，皆受自然虛無之身、無極之體。

68.《如來會》「無差別相」之文：

極樂國土，所有眾生，無差別相；順餘方俗，有天人名。

69.《往生論》「如虛空」之偈（二一二頁）：

觀彼世界相，勝過三界道。

究竟如虛空，廣大無邊際。

70.《往生論》「第一義諦」之文（二一九頁）：

無量壽佛國土莊嚴，第一義諦妙境界相。

71.《往生論》「證平等法身」之文（二二〇頁）：

即見彼佛，未證淨心菩薩，畢竟得證平等法身，與淨心菩薩，與上地

諸菩薩，畢竟同得寂滅平等故。

72.《往生論註》「安樂來由」之文（二四一頁）：

安樂，是菩薩慈悲正觀之由生，如來神力本願之所建。胎卵濕生，緣茲高揖；業繫長維，從此永斷。續括之權，不待勸而彎弓；勞謙善讓，齊普賢而同德。「勝過三界」，抑是近言。

73.《安樂集》「報佛報土」之文（三六八頁）：

彌陀是報佛，極樂寶莊嚴國是報土。

74.《觀經疏》「報佛報土」之文（四八四頁）：

西方安樂阿彌陀佛，是報佛報土。

75.《法事讚》「無上涅槃」之文（八〇一頁）：

彌陀妙果，號曰無上涅槃。

76.《觀經疏》「往生證果」之文（四五九頁）：

捨此穢身，即證彼法性之常樂。

77.《觀經疏》「凡夫入報」問答（四八七頁）：

問曰：彼佛及土，既言報者，報法高妙，小聖難階，垢障凡夫，云何得入？

答曰：若論眾生垢障，實難欣趣；正由託佛願以作強緣，致使五乘齊入。

78.《般舟讚》「厭欣勝益」之文（九六五頁）：

凡夫生死，不可貪而不厭；

彌陀淨土，不可輕而不欣。

厭則娑婆永隔，欣則淨土常居。

隔則六道因亡，輪迴之果自滅；

因果既亡，則形名頓絕也。

79.《往生禮讚》「超諸佛刹」之偈（九〇一頁）：

觀彼彌陀極樂界，廣大寬平眾寶成；

四十八願莊嚴起，超諸佛刹最為精。

80.《般舟讚》「照覓念佛」之偈（九二四頁）：

一一光明相續照，照覓念佛往生人；

欲比十方諸佛國，極樂安身實是精。

81.《法事讚》「真淨報土」之偈（七六八頁）：

彌陀佛國真嚴淨，三惡六道永無名；

事事莊嚴難可識，種種妙微甚為精。

82.《法事讚》「證得法身」之偈（七六六頁）：

自然即是彌陀國，無漏無生還即真；

行來進止常隨佛，證得無為法性身。

83. 《法事讚》「六識自悟」之偈（七七三頁）：

四種威儀常見佛，行來進止駕神通；

六識縱橫自然悟，未藉思量一念功。

84. 《般舟讚》「微塵故業」之偈（九二六頁）：

微塵故業隨智滅，不覺轉入真如門；

大小僧祇恆沙劫，亦如彈指須臾間。

85. 《般舟讚》「極樂無比」之偈（九二八頁）：

自慶今身聞淨土，不惜身命往西方；

西方快樂無為處，天上人間無比量。

六天相勝億萬倍，不及西方人一相；

三十二相通自在，身光遍照十方界。

86. 《般舟讚》「畢竟逍遙」之偈（九三〇頁）：

一切時中相續作，至死為期專復專；

一到彌陀安養國，畢竟逍遙即涅槃。

87. 《般舟讚》「我法王家」之偈（九三六頁）：

普願有緣同行者，專心直入不須疑；

一到彌陀安養國，元來是我法王家。

88. 《般舟讚》「時憶地獄」之偈（九四九頁）：

普勸眾生護三業，行住坐臥念彌陀，
一切時中憶地獄，發起增上往生心，
誓願不作三塗業，人天樂報亦無心，
忽憶地獄長時苦，不捨須臾忘安樂，
安樂佛國無為地，畢竟安身實是精。

89.法照大師偈：

- 西方進道勝娑婆，緣無五欲及邪魔；
成佛不勞諸善業，華台端坐念彌陀。
- 五濁修行多退轉，不如念佛往西方；
到彼自然成正覺，還來苦海作津梁。
- 十惡五逆至愚人，永劫沉淪在六塵；
一念稱得彌陀號，至彼還同法性身。

90.法然「凡夫入報」之文（法全四九〇頁）：

我立淨土宗元意，為顯示凡夫往生報土也。

91.藕益「平生業成」之文：

只今信願持名，蓮萼光榮，金台影現，便非娑婆界內人矣！

92.藕益「光壽同佛」之文：

持名者，光明壽命，同佛無異。

93.印光「光壽同佛」之文：

若生西方，庶可與佛光壽，同一無量無邊矣。

94.印光「平生業成」之文：

果能生死心切，信得及，不生一念疑惑之心，則雖未出娑婆，已非娑婆之久客；未生極樂，即是極樂之嘉賓。

95.印光「平生不退」喻：

能於此法，深生信心，則雖具縛凡夫，其種性已超二乘之上。喻如太子墮地，貴壓群臣。

96.印光「法門廣大，佛願洪深」之文：

法門廣大普被三根，因茲九界咸歸十方共讚；

佛願洪深不遺一物，故得千經並闡萬論均宣。

97.印光「得預補處」之文：

不斷惑業，得預補處；即此一生，圓滿菩提。

98.印光「同佛受用」之文：

既得往生，則入佛境界，同佛受用，凡情聖見，二皆不生。

一得往生，則煩惱惡業，徹底消滅，功德智慧，究竟現前。

99. 《法華經》「三界火宅」之文：

三界無安，猶如火宅，眾苦充滿，甚可怖畏。

100. 《地藏經》「天人墮惡」之文：

未來現在，諸世界中，有天人受天福盡，有五衰相現，或有墮於惡道之者。

101. 《涅槃經》「天人墮惡」之文：

雖復得受梵天之身，乃至非想非非想天，命終還墮三惡道中。

102. 《正法念處經》「從天生地獄」之文：

無始生死中，業網覆世界。從天生地獄，從地獄生天。

103. 《觀經》「此濁惡處」之文（一四四頁）：

此濁惡處，地獄、餓鬼、畜生盈滿，多不善聚。願我未來，不聞惡聲，不見惡人。

104. 《觀經》「擇生極樂」之文（一四五頁）：

韋提希白佛言：「世尊，是諸佛土雖復清淨，皆有光明，我今樂生極樂世界阿彌陀佛所。」

105. 《小經》「無三惡道」之文（六頁）：

彼佛國土，無三惡道。其佛國土，尚無惡道之名，何況有實。

106. 《小經》「無苦但樂」之文（四頁）：

其國眾生，無有眾苦，但受諸樂，故名極樂。

107. 《稱讚淨土佛攝受經》「無苦但樂」之文（一九頁）：

無有一切身心憂苦，唯有無量清淨喜樂，是故名為極樂世界。

108. 《小經》「殷勤三勸發願」之文（八、一〇、一三頁）：

眾生聞者，應當發願，願生彼國。

聞是說者，應當發願，生彼國土。

若有信者，應當發願，生彼國土。

109. 《無量壽經》「過火往生」之文（一三三頁）：

設有大火，充滿三千大千世界，要當過此，聞是經法，歡喜信樂，
受持讀誦，如說修行。

110. 《往生論註》「不實功德」之文（二三九頁）：

凡夫人天諸善、人天果報，若因若果，皆是顛倒，皆是虛偽，是故名不實功德。

111. 《往生論註》「三界顛倒虛偽」之文（二四〇頁）：

三界是顛倒相、虛偽相、污染相、破壞相、輪轉相、無窮相。

112. 《往生論註》「三界流轉暗宅」之文（二四一頁）：

三界是生死凡夫流轉之暗宅。

113.《往生論註》「三界有漏邪道」之文（二四三頁）：

三界是有漏邪道所生，長寢大夢，莫知惺出。

114.《龍舒淨土文》卷一「唯心自性，大而不要」之文：

唯心淨土，自性彌陀者，大而不要，高而不切，修未到者，誤人多矣。不若腳踏實地，持誦修行，則人人必生淨土，徑脫輪迴。與虛言無實者，天地相遠矣。

115.蓮池「為害非細」之文：

輕談淨土，蔑視往生，為害非細。

116.蓮池「富貴所迷」之文：

今生持戒修福之僧，若心地未明，願力輕微，又不求生淨土，是人來生，多感富貴之報，亦多為富貴所迷，或至造業墮落者。

117.截流「第三世怨」之文：

修行之人，若無正信，求生西方，泛修諸善，名為第三世怨。

118.印光「善業不出輪迴」之文：

世間善業，不出輪迴；若對信願具足之往生淨業，則彼善業，仍屬惡業。

119.印光「毒荼罪藪」之文：

當須發決定心，臨終定欲往生西方。

且莫說碌碌庸人之身，不願更受，即為人天王身，及出家為僧，一聞千悟，得大總持，大宏法化，普利眾生之高僧身，亦視之若毒荼罪藪，決定不生一念欲受之心。

120.印光「福大業大」之文：

生死未了，福愈大則業愈大，再一受生，難免墮於地獄、餓鬼、畜生之三惡道中。若欲再復人身，再遇淨土，即生了脫之法門，難如登天矣。

佛教人念佛求生西方，是為人現生了生死的。若求來生人天福報，即是違背佛教。如將一顆舉世無價之寶珠，換取一根糖吃，豈不可惜？

121.印光「生死不了，危險太大」之文：

修行用功，原為了生死。生死不了，危險太大；
輪迴未出，難免墮落。努力今生，以了生死。

122.印光「必墮惡道」之文：

來生做人，比臨終往生還難。
不生西方，將來必墮惡道。

往生所得之利益，比得道更大。

123.印光「上根下根皆所攝」之文：

上根如文殊普賢之儔，

下根如五逆十惡之輩，

皆為淨土法門所攝之機。

124.印光「等覺阿鼻皆須修」之文：

上至等覺菩薩，下至阿鼻種性，皆須修習。

未成佛前，仗以自修；已成佛後，賴以度世。

125.蓮池「多歧亡羊」之文：

多歧亡羊，專注中鵠，心無二用，功戒雜施。

126.蓮池「安身立命」之文：

寂滅淨土，乃當人安身立命處；

遊子伶仃，唯有思歸一念而已。

127.印光「心心念念」之偈：

心心只畏娑婆苦，念念思歸極樂鄉。

128.印光「須度我」之偈：

如來拯濟無方，廣度眾生須度我。

吾輩踟躕沒寄，不念彌陀更念誰。

129.印光「歸便得」之偈：

應當發願願往生，客路溪山任彼戀；

自是不歸歸便得，故鄉風月有誰爭？

肆、廣度十方衆生

1. 大乘法門必度眾生

2. 《大經》「廣度生死流」之偈（九七頁）：

設滿世界火，必過要聞法，會當成佛道，廣度生死流。

3. 《易行品》「乘彼八道船」之偈（一九八頁）：

乘彼八道船，能度難度海，自度亦度彼，我禮自在者。

4. 《莊嚴經》「酬願度生」之文：

彼佛如來，來無所來，去無所去，無生無滅，非過現未來；但以酬願度生，現在西方。

5. 《莊嚴經》「我若成正覺」（二利圓滿）之偈：

我若成正覺，立名無量壽，眾生聞此號，俱來我剎中；
如佛金色身，妙相悉圓滿，亦以大悲心，利益諸群品。

6. 《大經》「第十一必至滅度願」（六五頁）：

設我得佛，國中天人，不住定聚，必至滅度者，不取正覺。

7. 《大經》「第二二一生補處願」（六七頁）：

設我得佛，他方佛土諸菩薩眾來生我國，

究竟必至一生補處；

除其本願自在所化，為眾生故被弘誓鎧，

積累德本度脫一切，遊諸佛國修菩薩行，

供養十方諸佛如來，開化恆沙無量眾生，

使立無上正真之道。

超出常倫諸地之行，現前修習普賢之德。

若不爾者，不取正覺。

8. 《大經》「第二五說法如佛願」（六八頁）：

設我得佛，國中菩薩不能演說一切智者，不取正覺。

9. 《大經》「第二一願成就文」（九八頁）：

其有眾生生彼國者，皆悉具足三十二相

10. 《大經》「第二二願成就文」（九七頁）：

彼國菩薩，皆當究竟一生補處；除其本願，為眾生故，以弘誓功德而自莊嚴，普欲度脫一切眾生。

11. 《大阿彌陀經》「皆令如佛」之文：

三十二相，八十種好，皆令如佛。說經行道皆如佛。

12. 《大經》「華光出佛」之文（九〇頁）：

眾寶蓮華，周滿世界。一一寶華，百千億葉。其華光明，無量種色，青色青光，白色白光，玄黃朱紫，光色赫然，煒燁煥爛，明曜日月。一一華中，出三十六百千億光；一一光中，出三十六百千億佛，身色紫金，相好殊特；一一諸佛，又放百千光明，普為十方說微妙法。如是諸佛，各各安立無量眾生於佛正道。

13. 《如來會》「現往東方」之文：

是諸佛等，現往東方為人說法，皆為安立無量有情於佛法中。南西北方，四維上下，亦復如是。

14. 《楞伽經》「極樂界中出」之偈：

十方諸剎土，眾生菩薩中，
所有法報佛，化身及變化，
皆從無量壽，極樂界中出。

15. 《往生論》「示佛法如佛」之偈（二一四頁）：

何等世界無，佛法功德寶，
我願皆往生，示佛法如佛。

16. 《往生論註》「正隨依轉」之文（二九三頁）：

偈言「究竟如虛空，廣大無邊際」。

彼中眾生，住如此量中，志願廣大，亦如虛空，無有限量。

彼國土量，能成眾生心行量，何可思議！

17. 《往生論》「園林遊戲」之文（二二六頁）：

以大慈悲觀察一切苦惱眾生，示應化身，迴入生死園煩惱林中，遊戲神通，至教化地，以本願力迴向故。

18. 《往生論註》「園林遊戲」釋文（三三三頁）：

「示應化身」者，如《法華經》普門示現之類也。

「遊戲」有二義：

一者自在義。菩薩度眾生，譬如獅子搏鹿，所為不難，如似遊戲。

二者度無所度義。菩薩觀眾生，畢竟無所有。雖度無量眾生，而實無一眾生得滅度者。示度眾生，如似遊戲。

言「本願力」者，示大菩薩於法身中，常在三昧，而現種種身、種種神通、種種說法，皆以本願力起。譬如阿修羅琴，雖無鼓者，而音曲自然。

19. 《觀經疏》「還相迴向」之文（六五九頁）：

言「迴向」者，生彼國已，還起大悲，迴入生死，教化眾生，亦名「迴向」也。

20.《法事讚》「還來穢土」之偈（七五九頁）：

誓到彌陀安養界，還來穢國度人天；

願我慈悲無際限，長時長劫報慈恩。

21.《往生禮讚》「自信教人信」之偈（八七七頁）：

自信教人信，難中轉更難，大悲傳普化，真成報佛恩。

22.蓮池「度脫眾生」之文：

既生本國，得無生忍已，還入生死，以無數方便，大作佛事，度脫眾生。

23.藕益「自度度他」之文：

眾生生極樂，即生十方；

見阿彌陀佛，即見十方諸佛；

能自度，即普利一切。

24.徹悟「三際同時」之文：

念佛時即見佛時，亦即成佛時；

求生時即往生時，亦即度生時。

三際同時，更無前後。

* 印光法語：

25.欲利他，先須能自利。

若非自己能先出生死，何能度彼生死眾生？

自己在苦海中未能出，何能遍救苦海之人。

26.求生西方方能宏法利生，任運度眾，自在無礙。

只怕不成佛，不愁佛不會說法度眾生。

27.使如來不開此法，則末法眾生，無一能了生死者。

28.淨土一法，乃十方三世一切諸佛，

上成佛道，下化眾生，成始成終之總持法門。

29.成就一人往生淨土，即是成就一眾生作佛。

此等功德，何可思議！

30.暢如來出世之本懷，

開眾生歸元之正路。

31.一切法門，無不從此法界流；

一切行門，無不還歸此法界。

32.九界眾生離此法，上不能圓成佛道；

十方諸佛捨此法，下不能普利群生。

中華淨土宗協會
淨土宗文教基金會

11059台北市信義路五段150巷22弄41號

電話：02-2758-0689

傳真：02-8780-7050

E-mail：amt@plb.tw

淨土宗網站：<http://www.plb.tw>